



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 29 Januari 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

KPDN gagalkan seleweng 1.5j liter diesel subsidi



GAMBAR fail menunjukkan anggota penguat kuasa memeriksa sebuah lori dalam operasi bersepadu di Lebuhraya AMJ, Melaka pada 25 Januari lalu.

PETALING JAYA — Kementerian Perdagangan Dalam Negeri dan Kos Sara Hidup (KPDN) berjaya menggagalkan cubaan menyeleweng 1.5 juta liter diesel bersubsidi bernilai RM3,831,202 dari 1 hingga 25 Januari lalu.

Timbalan Menteri, Fuziah Salleh berkata, kejayaan itu diperoleh menerusi Op Tiris 3.0 yang bertujuan membanteras penyelewengan diesel bersubsidi di seluruh negara.

"Statistik terkini menunjukkan dari 1 Januari hingga 25 Januari lalu, terdapat 99 kes direkodkan di seluruh negara dengan hasil rampasan diesel mencecah 1,522,922 liter yang bernilai RM3,831,202," katanya dalam satu hantaran di media sosial

semalam.

Fuziah berkata, dalam usaha membanteras penyelewengan diesel bersubsidi di seluruh Malaysia, Op Tiris 3.0 akan diteruskan dengan usaha yang lebih gigih dari semasa ke semasa.

Justeru, katanya, beliau mengucapkan tahniah kepada semua penguat kuasa KPDN setiap negeri dalam usaha jitu menangani isu ketirisan diesel bersubsidi.

Terdahulu, pada 25 Januari lalu, media melaporkan sebuah lori yang telah diubah suai untuk aktiviti penyelewengan minyak diesel bersubsidi berjaya disita Jabatan Pengangkutan Jalan (JPJ) dalam operasi bersepadu di Lebuhraya Alor Gajah-Melaka-Jasin (AMJ), Melaka.

Teruskan banteras sorok minyak peket

SAUDARA PENGARANG,

ISU peniaga atau pembekal menyorok bekalan minyak masak peket sudah lama berlaku dan perlu dihentikan demi kepentingan pengguna.

Dalam hal ini, Kementerian Perdagangan Dalam Negeri dan Kos Sara Hidup (KPDN) perlu melipatgandakan usaha bagi membanteras kegiatan tidak bertanggungjawab segelintir pengusaha premis perniagaan menyorok bekalan minyak masak peket tersebut.

Tindakan tidak bertanggungjawab mereka menyusahkan pengguna kerana ramai yang bergantung kepada minyak masak peket dalam urusan seharian, termasuk golongan peniaga jalanan.

Usaha KPDN Perak yang memaparkan operasi yang

mereka lakukan menerusi media sosial amat dialu-alukan kerana ia membuktikan tindakan penguatkuasaan memberi kesan kepada pihak-pihak tidak bertanggungjawab menyorok bekalan tersebut.

Biarpun ia tidak dapat membanteras tindakan tidak bertanggungjawab itu secara total dalam masa singkat, ia sekurang-kurangnya memberi kelegaan kepada pengguna bahawa KPDN masih mendengar suara rakyat.

Dalam hal ini, pengguna perlu memainkan peranan masing-masing dengan menyalurkan maklumat tentang penyelewengan melibatkan peniaga kepada pihak berwajib untuk tindakan lanjut.

MARSHA MAISARAH MN

Sitiawan, Perak



PENGUAT KUASA KPDN Perak melakukan pemeriksaan minyak masak peket ke atas sebuah premis di Chemor baru-baru ini.



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR **AGENSI**



UNIT KOMUNIKASI KORPORAT

Tindakan ke atas kartel beras dibuat berpandu hasil siasatan

PASIR PUTEH - Tindakan yang dikenakan berkait isu kartel beras akan dibuat berpandu kepada hasil siasatan.

Menteri Pertanian dan Keterjaminan Makanan (KPKM), Datuk Seri Mohamad Sabu berkata, KPKM sama sekali tidak akan campur tangan dan memberikan kebebasan kepada pihak berkuasa menjalankan siasatan.

"Dalam isu kartel ini, kalau ada laporan kita akan ambil tindakan dengan menjalankan siasatan," katanya dalam sidang akhbar pada Ahad.

Sebelum itu beliau merasmikan Majlis Perasmian Smart SBB Ala Sekinchan KADA di bendang Tok Ajam di sini.

Menurut Mohamad, siasatan ini penting untuk melihat sama ada dakwaan yang

dibuat itu betul atau sebaliknya.

Ujarnya, sesiapa pun boleh membuat tuduhan dan oleh itu KPKM akan melakukan siasatan bagi menentukan sama ada ia benar atau sebaliknya.

Media sebelum ini melaporkan, KPKM menerusi Kawalselia Padi dan Beras sedang bekerjasama dengan Suruhanjaya Persaingan Malaysia (MyCC) bagi menyiasat isu kartel yang didakwa menekan nasib pesawah.

Sementara itu, Mohamad berkata, KPKM mahu menjadikan Sabah dan Sarawak sebagai jelapang padi negara yang kedua pada masa hadapan selepas Kedah, Kelantan.

Jelasnya, hasrat itu akan direalisasikan menerusi pelaksanaan Program Smart Sawah Berskala Besar (Smart SBB) Ala Sekinchan.

"Insya-ALLAH bulan depan,

saya akan bertemu Premier Sarawak bagi membincangkan perkara berkait dengan penanaman padi di negeri berkenaan.

"Hasil padi di kedua-dua negeri itu sebenarnya agak tinggi terutama di Sarawak. Sekiranya, kerajaan bergerak seiring dengan Sarawak menerusi cara moden ini, saya yakin hasil yang diperolehi akan tinggi," ujarnya yang juga merupakan ahli Parlimen Kota Raja.

Menurut beliau, sebanyak 150,000 hektar sawah padi di negara ini akan diusahakan menggunakan Smart SBB Ala Sekinchan menjelang 2030.

Mohamad memberitahu, melalui projek tersebut hasil pengeluaran padi mampu ditingkatkan kepada tujuh tan setiap satu hektar.

Dalam perkembangan sama, beliau berkata, sebelum ini ke-



Mohamad (kiri) bersalaman dengan petani yang hadir di bendang Tok Ajam, Pasir Puteh pada Ahad.

rajaan memperuntukkan sebanyak RM10 juta untuk meningkatkan pengeluaran hasil padi bukit di Sabah dan Sarawak.

"Hal ini kerana padi bukit

mempunyai potensi yang besar jika dibangunkan dengan baik.

"Hasil keluaran padi bukit itu boleh dieksport ke luar negara," tambahnya.



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

UMUM



UNIT KOMUNIKASI KORPORAT

PM laksana reformasi ekonomi julang darjat rakyat

Kuala Lumpur: Datuk Seri Anwar Ibrahim beriltizam melaksanakan reformasi ekonomi negara ini bagi menjulang darjat rakyat serta berikhtiar membantu meringankan beban mereka menerusi jualan murah barang keperluan harian di seluruh negara.

Perdana Menteri berkata, reformasi ekonomi itu wajib bermula dengan golongan yang kurang berkemampuan.

Katanya, program subsidi berasasar Sumbangan Asas Rahmah (SARA) yang diumumkan minggu lalu antara langkah besar merealisasikan gagasan reformasi itu.

"Saya turun padang ke Pasar Borong MYDIN di Meru, Ipoh hari ini (semalam) bagi melihat sendiri kesedaran dan impak SARA yang disasarkan untuk membantu menambah kuasa beli kepada mereka yang memerlukan bagi mendapatkan barangan asas dari rangkaian rakan runcit dengan lebih 500 kedai terbabit di seluruh negara.

"Jualan murah dengan kerjasama pihak berkaitan pula dijangka memberi manfaat kepada semua lapisan masyarakat. Program jualan murah itu membatikn barang keperluan harian seperti ikan, ayam, beras dan se-

bagainya akan diperluas ke seluruh negara.

"Saya tiba di Perak hari ini (semalam) dan terus menyantuni masyarakat setempat di Program Jualan Ikan, Udang dan Sotong Murah Parlimen Tambun. Insya-Allah, program jualan barangan keperluan ikan, ayam, beras dan sebagainya dengan harga murah seperti hari ini, akan diperluas ke seluruh negara kelak," katanya dalam kenyataan di media sosialnya, semalam.

Rangka pelan strategik

Dalam perkembangan berkaitan juga, Perdana Menteri berkata, Ahli Parlimen Bukit Gantang, Datuk Syed Abu Hussin Hafiz Syed Abdul Fasal kini diberi tanggungjawab mengetuai jawatankuasa menangani harga makanan dan kos sara hidup di bawah Mesyuarat Khas Majlis Tindakan Sara Hidup Negara (NACCOL).

Katanya, Ahli Parlimen dari BERSATU yang juga bekas Pengerusi Lembaga Kemajuan Ikan Malaysia (LKIM) akan mengetuai kluster itu bagi membantu kerajaan merangka pelan strategik bagi mengawal harga barang.

"Sahabat saya, Syed Abu Hussin sama-sama ambil inisia-

tif ini kerana walau kita lakukan pelbagai langkah, kita tahu kos sara hidup meningkat. Walau kita umum tambahan Sumbangan Tunai Rahmah (STR), tapi tak cukup kalau kita tak kawal harga barang.

"Saya terima teguran, permintaan orang ramai, kita adakan banyak jualan rahmah. Saya tengok harga ikan, ayam, beras pada jualan hari ini (semalam) jauh lebih rendah berbanding harga pasaran.

"Ini kita kena perbanyakkan, sebab tu saya tugaskan Syed Abu Hussin untuk bantu NACCOL, saya mengesahkan supaya dia akan mengepalai kluster ini bagi menambah ikhtiar supaya Jualan MADANI ini dapat kita tingkatkan, perluaskan dan kerapkan lagi di seluruh negara," katanya berucap pada Jualan Termurah Madani di Padang Taman Klebang Restu, Ipoh, semalam.

NACCOL adalah salah satu kluster dalam Sektor Hal Ehwal Kos Sara Hidup dan Penyelidikan, Kementerian Perdagangan Dalam Negeri dan Kos Sara Hidup (KPDN) yang berperanan merangka dasar, strategi serta pelan tindakan untuk menangani isu kenaikan kos sara hidup untuk pertimbangan dan persetujuan Mesyuarat Jemaah Menteri.

Sementara itu, Syed Abu Hussin Hafiz menyatakan kesediaan menggalas tugas mengetuai jawatan kuasa itu dan bertekad membuktikan kepada kerajaan bahawa ada kaedah boleh

dilaksanakan untuk menstabilkan harga barang, seterusnya mengurangkan beban rakyat.

"Saya bersedia menerima tanggungjawab ini dengan syarat saya diberikan kuasa untuk melaksanakan tanggungjawab ini dengan berkesan," katanya.

MP Bukit Gantang dilantik ketua NACCOL

Ipoh: Ahli Parlimen Bukit Gantang, Datuk Syed Abu Hussin Hafiz Syed Abdul Fasal dilantik mengetuai Mesyuarat Khas Majlis Tindakan Sara Hidup Negara (NACCOL).

Perdana Menteri, Datuk Seri Anwar Ibrahim berkata, Ahli Parlimen dari Bersatu itu akan mengepalai kluster itu bagi membantu kerajaan merangka pelan strategik bagi mengawal harga barang.

"Sahabat saya, Syed Abu Hussin sama-sama ambil inisiatif ini kerana walau kita lakukan pelbagai langkah, tapi kita tahu kos sara hidup meningkat. Walau kita umum tambahan Sumbangan Tunai Rahmah (STR), tapi tak cukup kalau kita tak kawal harga barang.

"Saya terima teguran, permintaan orang ramai, kita adakan banyak jualan rahmah. Saya tengok harga ikan, ayam, beras (pada

jualan) hari ini (semalam) jauh lebih rendah berbanding harga pasaran.

"Ini kita kena perbincangkan, sebab tu saya tugaskan Syed Abu Hussin untuk bantu NACCOL bagi menambah ikhtiar supaya Jualan Madani ini dapat kita tingkatkan, perluaskan dan kerapkan lagi di seluruh negara," katanya berucap pada Jualan Termurah Madani di Padang Taman Klebang Restu di sini, semalam.

NACCOL adalah salah satu kluster dalam Sektor Hal Ehwal Kos Sara Hidup dan Penyelidikan, Kementerian Perdagangan Dalam Negeri dan Kos Sara Hidup (KPDN) yang berperanan merangka dasar, strategi serta pelan tindakan untuk menangani isu kenaikan kos sara hidup untuk pertimbangan dan persetujuan Mesyuarat Jemaah Menteri.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 29 JANUARI 2024

TARIKH	TAJUK	PAUTAN	MEDIA
29-Jan	Pemilik premis gagal letak tanda harga dikompaun RM50,000	https://www.sabahgazette.com/pemilik-premis-gagal-letak-tanda-harga-dikompaun-rm50000/	SABAH GAZETTE
29-Jan	Sandakan shop compounded for not displaying price tags	https://www.dailyexpress.com.my/news/227663/sandakan-shop-compounded-for-not-	DAILY EXPRESS
29-Jan	KPDN Selangor patah cubaan seleweng 4,320 liter diesel	https://www.bharian.com.my/amp/berita/kes/2024/01/1204992/kpdn-selangor-patah-cubaan-seleweng-4320-liter-diesel	BERITA HARIAN
29-Jan	Guna treler seleweng 4,320 liter diesel	https://www.kosmo.com.my/2024/01/26/guna-treler-seleweng-4320	KOSMO
29-Jan	Sistem NSCC bantu kerajaan kurangkan perbelanjaan rakyat	https://www.utusanborneo.com.my/2024/01/26/sistem-nscc-bantu-kerajaan-kurangkan-perbelanjaan-rakyat	UTUSAN BORNEO
29-Jan	Jualan murah barangan asas di tiga cawangan Segi Fresh Sabtu ini	https://selangorkini.my/2024/01/jualan-murah-barangan-asas-di-tiga-cawangan-segi-fresh-sabtu-ini-2/	SELANGOR KINI
29-Jan	'Pulau Pinang 4 hari tiada air kecoh, Sabah tiap hari catu air' - Armizan	https://www.sinarharian.com.my/article/646364/edisi/sabah-sarawak/pulau-pinang-4-hari-tiada-air-kecoh-sabah-tiap-hari-catu-air---armizan	SINAR HARIAN
29-Jan	Kontraktor digesa siapkan Projek Naik Taraf LRA Kogopon 2 ikut jadual ditetapkan – Armizan	https://sabahmedia.com/2024/01/26/kontraktor-digesa-siapkan-projek-naik-taraf-lra-kogopon-2-ikut-jadual-ditetapkan-armizan/	SABAH MEDIA

29-Jan	NAIK TARAF LRA KOGOPON FASA DUA SIAP DALAM TEMPOH TIGA TAHUN	https://www.bernama.com/bm/news.php?id=2265709	BERNAMA
29-Jan	Jangan buat spekulasi isu pencen - Armizan	https://www.sinarharian.com.my/article/646369/berita/nasional/jangan-buat-spekulasi-isu-pencen---armizan	SINAR HARIAN
29-Jan	KPDN Kedah tumpas sindiket seleweng diesel di Sungai Petani	https://www.hmetro.com.my/mutakhir/2024/01/1055239/kpdn-kedah-tumpas-sindiket-seleweng-diesel-di-sungai-petani	HARIAN METRO
29-Jan	KPDN KEDAH TUMPAS SINDIKET SELEWENG DIESEL DI SUNGAI PETANI	https://www.bernama.com/bm/wilayah/news.php?id=2266404	BERNAMA
29-Jan	Kedah KPDN busts diesel smuggling syndicate in Sungai Petani	https://thesun.my/local_news/kedah-kpdn-busts-diesel-smuggling-syndicate-in-sungai-petani-KA12037814	THE SUN
29-Jan	KPDN Kedah tumpaskan sindiket seleweng diesel	https://berita.rtm.gov.my/jenayah/senarai-berita-jenayah/senarai-artikel/kpdn-kedah-tumpaskan-sindiket-seleweng-diesel	BERITA RTM
29-Jan	KPDN Kedah tumpas sindiket seleweng diesel di Sungai Petani	https://www.malay.news/kpdn-kedah-tumpas-sindiket-seleweng-diesel-di-sungai-petani/	MALAY NEWS
29-Jan	KPDN gagalkan cubaan seleweng 1.5 juta liter diesel bersubsidi	https://www.kosmo.com.my/2024/01/28/kpdn-gagalkan-cubaan-seleweng-1-5-juta-liter-diesel-bersubsidi/	KOSMO
29-Jan	Kapal kargo bawa 40,000 liter diesel ditahan di Sibu	https://mediapermata.com.bn/kapal-kargo-bawa-40000-liter-diesel-ditahan-di-sibu/	MEDIA PERMATA
29-Jan	MP Bukit Gantang dari Bersatu ketua kluster di bawah NACCOL – Anwar	https://malay-siapost.com.my/2024/01/28/mp-bukit-gantang-dari-bersatu-ketuai-kluster-di-bawah-naccol-anwar/	MALAYSIA POST